



A Better Choice
of GST Software

1800 88 7766
www.autocount.my

Find Out More

BERITA > NASIONAL TERKINI UTAMA POLITIK PARLIMEN WILAYAH LUAR NEGARA JENAYAH MAHKAMAH KOMUNITI NAHAS & BENCANA

Tentera Darat bangunkan 18 MAST

02 Mac 2017 12:59 AM



Zulkiple Kassim (kanan) menyampaikan Anugerah Kesiaaman Panglima Angkatan Tentera kepada Panglima Latihan Tentera Darat, Major Jeneral Datuk Tengku Ahmad Noor Tuan Chik (kiri) di majlis Perbarisan dan Perutusan Hari Tentera Darat ke-84 di Pusat Latihan Asas Tentera Darat (Pusasda), Port Dickson, Negeri Sembilan, semalam.

TELOK KEMANG 1 Mac – Tentera Darat telah membangunkan sebanyak 18 siri Malaysian Army Standard (MAST) berbanding tiga siri semasa ia mula diperkenalkan pada Jun tahun lalu.

Panglima Tentera Darat, Jeneral Datuk Seri Zulkiple Kassim berkata, daripada jumlah itu, sebanyak tiga siri standard telah diiktiraf dan diguna pakai oleh semua pasukan dalam Tentera Darat manakala 15 siri sedang menjalani proses ujian dan penilaian dalaman.

Beliau berkata, ia akan melalui proses penilaian akhir untuk mendapatkan pengiktirafan Unit Pemodenan Tadbiran dan Perancangan Pengurusan Malaysia (MAMPU) sebelum diluluskan sebagai manual rasmi Tentera Darat.

"Kami percaya kesemuanya 18 MAST ini mampu meningkatkan budaya kualiti Tentera Darat ke arah kecemerlangan.

"Dengan adanya satu standard yang ditetapkan, ia akan menjadikan pengurusan Tentera Darat lebih berkualiti, berintegriti, telus dan inovatif serta mampu memberi perkhidmatan yang jitu kepada warga Tentera Darat," katanya dalam sidang akhbar selepas menghadiri Perbarisan Hari Tentera Darat Ke-84 di Pusat Latihan Asas Tentera Darat (Pusasda) dekat sini hari ini.

Pada sidang akhbar itu, beliau melancarkan 18 siri MAST yang meliputi pelbagai perkara antaranya, Pengurusan Stor Senjata, Pengurusan Keluar/Masuk Kem Tentera, Pengurusan Dewan Makan di Kompleks Sajian Tentera Darat, Pengurusan Kawalan Ke hormatan Utama, Pengurusan Kursus di Pusat Latihan Tentera Darat dan Pengurusan Kontrak Perkhidmatan.

Yang turut hadir Timbalan Panglima Tentera Darat, Lt. Jeneral Datuk Seri Hasbullah Mohd. Nawawi dan para pegawai kanan Tentera Darat.

Zulkiple memberitahu, pelaksanaan dan pemantauan MAST dilakukan oleh Inspektor Jeneral Tentera Darat, Major Jeneral Datuk Adnan Abu Bakar yang melakukan lawatan dan audit untuk melihat sejauh mana pematuhan terhadap standard berkenaan.

Pada majlis hari ini, seramai 158 pegawai dan 3,629 anggota lain-lain pangkat (LLP) dari 18 detasmen semua kor Tentera Darat termasuk pasukan elit Rejimen Gerak Khas dan 10 Briged Para mengambil bahagian dalam perbarisan tersebut.

Yang turut berangkat Raja Muda Selangor, Tengku Amir Shah Sultan Sharafuddin Idris Shah yang berpangkat Lettenan Muda dalam Tentera Darat.

Sebanyak tiga helikopter Agusta dan sebuah helikopter Nuri telah melakukan terbang lintas hormat manakala antara aset yang terlibat ialah kereta kebal Pendekar, Gempita dan meriam 155mm G5.


Zulkiple turut menyampaikan Pingat Perkhidmatan Setia, Sijil Kepujian Ketua Perkhidmatan dan Anugerah Kesiaaman Panglima Angkatan Tentera 2016 pada majlis tersebut.

1 tip for a tiny belly:



Click Here ➤


Popular




Muhyiddin 'atas pagar'




Pemandu wanita disah positif dadah



[VIDEO] Dera anak: Bapa, teman wanita dihukum gantung



11 pegawai imigresen ditahan Lindungi PATI



DNA anak sahkan Kim Jong-nam



The first bilingual English-Mandarin robot that even speaks some Bahasa Malaysia!



Robi

DIAGNOSTICS

SAYA ROBOT!